



**АКАФИСТ
СВЯТОЙ БЛАЖЕННОЙ
ВАРВАРЕ
СКВОРЧИХИНСКОЙ,
УФИМСКОЙ**

Издание первое, исправленное.

Читается перед прочтением любого акафиста.

- Бо́же, ми́лостив бу́ди мне грѣшному (поклон).
- Бо́же, очисти́ мя грѣшнаго и поми́луй мя (поклон).
- Созда́вый мя, Господи, поми́луй мя (поклон).
- Без числа́ согреши́х, Господи, прости́ мя (поклон).
- Влады́чице моя́, Пресвята́я Богородице, спаси́ мя грѣшнаго (поклон).
- Ангеле, храните́лю мой святы́й, от вся́кого зла сохра́ни мя (поклон).
- Святы́й апо́столе (или му́чениче, или преподо́бне о́тче, имя), моли́ Бога о мне (поклон).

Затем:

- Моли́твами святы́х о́тец на́ших, Господи́ Иису́се Христе́, Бо́же наш, поми́луй нас. Аминь.
- Слава Тебе, Боже наш, слава Тебе.
- Царю́ Небесный, Уте́шителю, Ду́ше и́стины, И́же везде́ сый и вся исполня́яй, Сокровище́ благи́х и жи́зни Пода́телю, прииди́ и всели́ся в ны, и очисти́ ны от вся́кия скверны́, и спаси́, Бла́же, ду́ши на́ша.
- Святы́й Бо́же, Святы́й Кре́пкий, Святы́й Безсме́ртный, поми́луй нас. (Трижды, с крестным знамением и поясным поклоном).
- Слава Отцу́ и Сыну́ и Святому́ Духу, и ныне́ и присно́ и во веки веков. Аминь.
- О́тче наш, И́же еси́ на небесе́х! Да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́, и на земли́. Хлеб наш насущный даждь нам днесь; и остави́ нам долги́ наша, я́коже и мы оставля́ем должникомъ́ на́шим; и не введи́ нас во искуше́ние, но изба́ви нас от лука́ваго.
- Господи́, помилуй (12 раз).

- Слава Отцу и Сыну и Святому Духу, и ныне и присно и во веки веков. Аминь.
- Приидіте, поклонімся Цареві нашему Богу (*поклон*).
- Приидіте, поклонімся и припадём Христу, Цареві нашему Богу (*поклон*).
- Приидіте, поклонімся и припадём Самому Христу, Цареві и Богу нашему (*поклон*).

Псалом 50

Помілуй мя, Боже, по велицей мілости Твоей, и по множеству щедрот Твоих очисти беззаконіе мое. Наипаче омой мя от беззаконія моего, и от греха моего очисти мя; яко беззаконіе мое аз знаю, и грех мой предо мною есть вину. Тебе единому согреших и лукавое пред Тобою сотворих; яко да оправдишися во словесех Твоих, и победиши внегда судити Ти. Се бо в беззаконіих зачат есмь, и во гресех роди мя мати моя. Се бо истину возлюбил еси; безвѣстная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззаконія моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом владычим утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен;

сердце сокруше́нно и смире́нно Бог не уничи́жит. Ублажи́, Господи, благоволе́нием Твои́м Сио́на, и да сози́ждутся стены́ Иерусали́мския. Тогда́ благоволи́ши же́ртву правды, возноше́ние и всесожега́емая; тогда́ возложат на олта́рь Твой тельцы́.

Символ веры

Верую во еди́наго Бога Отца, Вседержите́ля, Творца́ небу и земли, видимым же всем и невидимым.

И во еди́наго Господа Иисуса Христа, Сына Бо́жия, Единоро́днаго, Иже от Отца́ ро́ждённаго пре́жде всех век; Света́ от Света́, Бога истинна́ от Бога истинна́, ро́ждённа, несотворённа, еди́носущна́ Отцу, Имже́ вся бы́ша;

Нас ра́ди челове́к и нашего ра́ди спасения́ сше́дшаго с небес, и воплоти́вшагося от Ду́ха Свя́та и Мари́и Де́вы, и вочелове́чшася;

Распя́таго же за ны́ при Понти́йстем Пилáте, и страда́вша, и погребе́нна;

И воскресе́шаго в третий день, по Писáнием;

И возше́дшаго на небеса́, и седя́ща одесную́ Отца́;

И паки гряду́щаго со славою́ судити живым и мёртвым, Его́же Царствию́ не будет конца́.

И в Ду́ха Свя́таго, Господа́ Животворя́щаго, Иже от Отца́ исходя́щаго, Иже со Отце́м и Сыном спокланя́ема и сславима, глаго́лавшаго проро́ки.

Во Еди́ну, Святу́ю, Соборну́ю и Апосто́льскую Церковь.

Испове́дую еди́но Креще́ние во оставле́ние грехов.

Чаю́ воскресе́ния мёртвых.

И жизни́ бу́дущаго века. Аминь.

И читай акафист.

Кондак 1

Избранной страны Уфимския дивной угодице ныне радостно приносим ти, о мати, хвалёбныя пения, ты же, яко имья дерзновение ко Христу Богу, от всяких нас бед свободи, да зовём ти:

Радуйся, всехвальная Варваро, затворице блаженная.

Икос 1

Ангели на небеси радовахуся, егда видеша, яко звезда утренняя возсияла еси над пределами Уфимския земли, прогоняя тьму греховную светозарным твоим житием, блаженная мати, и приводя к свету Христову многия люди, темже прими от нас хваления сицевая:

Радуйся, в небесней славе ангелом уподобившаяся;

радуйся, в чине пророков, яко дар прозорливости имущая, вписанная.

Радуйся, к лику апостолов, яко словом и делом Христа благовестившая, сопричтенная;

радуйся, в сонме мучеников, яко Христа ради претерпевшая, восприятая.

Радуйся, к собору исповедников причтенная;

радуйся, с девствующими, яко девственница возвеличенная.

Радуйся, благ преподобных от века уготованных наследия удостоенная;

радуйся, со всеми святыми Богу угодившими участие обретшая.

Радуйся, мудрая страннице Отечества горняго искавшая;

радуйся, нози твои в путь спасительный для многих направившая.

Радуйся, в подвизах и трудах твоих нескончаемо наслаждающаяся;

радуйся, Царствия Небеснаго общнице являющаяся.

Радуйся, всехвальная Варваро, затворнице блаженная.

Кондак 2

Видяще величие духовныя красоты и премудрости твоея, блаженная Варваро, мы, яко земнии, удивлением, радостию и благодарением ко Творцу всяческих исполняемъся, зовуще: Аллилуа.

Икос 2

Разум подавая людям Господь, отвер-
зе твой ум, благо иерея Василия отрасли
благая, прежде кóсней ко изучению книжныя
премудрости тебе бывшей, да явится, яко
не от человек, но от Бога прияла еси разум,
темже, обрадованная, прими от нас радос-
тное пение сие:

Радуйся, навыкшая хранить страх Божий,
премудрости начало;

радуйся, всем учащимся у тебе бывшая
добродетелей зеркало.

Радуйся, на скрижали сердца своего закон
Божий написавшая;

радуйся, учение сие всем слушающим тя
подающая.

Радуйся, высокоумныя вражия учения от-
метшая;

радуйся, мудрых века сего разумом пре-
восходящая.

Радуйся, на подвиг юродства Христа ради
свыше призванная;

радуйся, горькую жестокость юродства
паче всех возлюбившая.

Радуйся, юродствовавшая пред человеки, да
ликовствуеши со Ангелы;

радуйся, великим праведником Андрею
Цареградскому, Верхотурскому Симеону и
прочим, Христа ради юродивым подражав-
шая.

Радуйся, людстии поругания и осмеяния в
честь себе вменившая;

радуйся, всем обидящим тя вседушно
прегрешения простившая.

Радуйся, всехвальная Варваро, затвори-
це блаженная.

Кондак 3

Силою благодати Божией движима,
потщалася еси, богомудрая Варваро, весь
малую, место подвигов твоих, достигнути,
идеже распалася еси всем сердцем тво-
им в любовь Христову, благодарственно
вопиющи Ему: Аллилуиа.

Икос 3

Имея помысл чист, крепкою верою в
Бога вооружившись, пути спасительнаго
держалася еси, мати всехвальная, егоже

и соверши́ пресла́вно; те́мже и нам, хотя́-
щим тво́емү жити́ю подража́ти, Божест-
венну́ю по́мощь испроси́, предсто́я престо-
лу́ Всевы́шняго, да благода́рно зове́м ти:

Радуйся, в помраче́нии страсте́й пре́вы-
вающих просвети́тельнице;

радуйся, в сүте́ и самозабв́ении жи́-
тельствующих вразуми́тельнице.

Радуйся, в недоуме́нии и заблүжде́нии
сүщих ру́ководи́тельнице;

радуйся, благо́е жити́е шествовати на-
чинающих управи́тельнице.

Радуйся, малоду́шием и үны́нием коле́в-
лемых үкрепи́тельнице;

радуйся, в небреже́нии спящих возбу́ди-
тельнице.

Радуйся, бо́дрости и трезвения предоб-
рая учи́тельнице;

радуйся, нераде́ния и праздно́сти извёс-
тная прогони́тельнице.

Радуйся, трудолю́бия, е́же всяко́му бла́-
гу үтвержде́ние, рачи́тельнице;

радуйся, чи́стаго и непоро́чнаго жити́я
неүсыпа́ющая храни́тельнице.

Радуйся, всех ко спасению верная путе-
водительнице;

радуйся, всех, благочестно жити хотя-
щих мудрая наставнице.

Радуйся, всехвальная Варваро, затвор-
нице блаженная.

Кондак 4

Бурн житейских напастей бежавши, бла-
женная, паче брака честна, житие девствен-
ное возлюбила еси и от земнаго жениха укло-
нилася еси, да единому Небесному Жениху
поработаеши, поющи Ему: Аллилуиа.

Икос 4

Слыша, блаженная, яже апостол рече: не
посягшая печется о Господних, да есть свя-
та и телом и духом, сему поревновала еси,
темже ты величаем:

Радуйся, яко призвавшему ты Святому
Духу и сама телом и духом свята еси;

радуйся, от скверны плоти и духа непо-
рочну себе соблюла еси.

Радуйся, великомученицы Варвары де-
вству и подвигу поревновала еси;

радуйся, рожденному от Девы Жениху
Христу деву себе чисту вручила еси.

Радуйся, лилие произрастшая в земнем
Христовом саде;

радуйся, процветшая в небеснем Его вер-
тограде.

Радуйся, в лике девственных последовав-
шая Божиему Агницу на небеса;

радуйся, непорочная агнице от Христа
венцем блаженства увенчанная.

Радуйся, ангельскую чистоту являющая;

радуйся, целомудрию наставляющая.

Радуйся, непорочностию враги побеждаю-
щая;

радуйся, яко за чистоту души и тела мно-
гих даров сподобилася еси.

Радуйся, всехвальная Варваро, затвори-
це блаженная.

Кондак 5

Боготечною звездою яви ты миру житие
твое, блаженная мати Варваро, яко паче
всего возлюбила еси Христа, и претерпев
мuki временныя, избавлена еси мук вечных,
благодарне воспеваеши Ему: Аллилуиа.

Икос 5

Виде́ша ты лю́дие У́фимскія земли́,
мати́ Варваро, все́ми добродѣ́тельми ук-
раше́ну и равноа́нгельное жити́е в стесне́-
нии тяжце́м провожда́вшю, прихожда́ху
к тебе́, о́ви благослове́ния, о́ви наставле́-
ния, о́ви утеше́ния от тебе́ и́щуще, ты
же спасе́нию челове́ческому ре́вно́стно
слу́жила еси́ и ны́не слы́шиши от все́х пѣс-
ни таковы́я:

Радуйся, яко́ явилася еси́ в стране́
У́фимстей кре́пкая защи́тница проти́ву
ху́льников Христо́вы Цѣ́ркве;

радуйся, яко́ и ны́не борю́щимся с ними́
у́сердная пособни́ца обрета́еши́ся.

Радуйся, проти́вников святы́ни посра-
мительнице́;

радуйся, злыхъ волко́в от ста́да Христо́-
ва отгна́тельница.

Радуйся, звездо́, во тьме́ сущи́м сияю́-
щая;

радуйся, в годи́ну бѣ́ихъ дний дивно́
процвѣ́тшая.

Радуйся, от беззако́нныхъ слугъ анти́-
христовыхъ муче́нная;

ра́дуйся, силою нево́римаго Креста во-
ору́жившаяся.

Ра́дуйся, свѣте, мрак нечѣстия разго-
няющая;

ра́дуйся, Христа ра́ди гонѣннѣм удо́сто-
ившаяся.

Ра́дуйся, исповѣ́дничеством твоим лю́ди
У́фимския земли в вере у́тверди́вшая;

ра́дуйся, любви́ жѣ́ртвенней, вѣ́чней нас
научающая.

Ра́дуйся, всехвальная Варваро, затвор-
нице́ блаженная.

Кондак 6

Проповѣ́дницею бѣ́вши жити́ем твоим
евангѣльскихъ добродѣ́телей, ма́ти бла-
женная, плоть твою́ постомъ и моли́твою
изну́рила еси́, свои́ми по́двигами всез-
лобнаго врага посрами́ла еси́, и во свѣте
Христо́вой истины лю́ди земли У́фимския
у́тверди́ла еси́, поуча́я непреста́нно моли́-
тися, за вся благодарити и славосло́вити
Господа, поя́ ему: Аллилу́иа.

Икос 6

Возсияла еси на горах Уральских, яко
столп утверждения верных, Варваро бого-
мудрая, и из затвора теснаго востекла еси
на гору Небесную, отнюдуже озаряеши
храмы Уфимския земли, в нихже почитае-
шися по достоянию среди сонма новомуче-
ников и исповедников, и слышиши от вер-
ных пение сицевое:

Радуйся, к церковней службе усердно с
детства прилежавшая;

радуйся, измывшая душу свою токами
слезными.

Радуйся, молитися за ны ко Господу де-
рзновение обретшая;

радуйся, дары Духа Святаго в сердце
твое принимшая.

Радуйся, меч духовный подъявшая;

радуйся, именем Иисусовым враги невидимыя отражавшая.

Радуйся, молитвы усердная деятель-
нице;

радуйся, языком молчаливая, умом хва-
лившая Бога.

Радуйся, земли Уфимския ходатанце;
радуйся, яко заступлѣнием твоим вѣчныя
смерти уповаем избежати.

Радуйся, яко твоими молитвами расто-
чѣнныя чада церковныя собираются;
радуйся, яко Всемогущему Господу со
Пречистою Девотою Богородицею о всех лю-
дех рѣче свои воздеваеши.

Радуйся, всехвальная Барваро, затвори-
це блаженная.

Кондак 7

Хотя Господь страну Уфимскую благода-
тию Своею обогатити и дати образ хотя-
щим спастися, подвиже тя, о мати, на скор-
бное и богоугодное житие, ты же усердно
в теплотѣ сердца воспевала еси Ему пѣснь:
Аллилуиа.

Икос 7

Новую ты подвижницу яви Господь, бла-
женная мати, яко подвиги твоими и чуде-
сы всю землю Уфимскую облистала еси,
мы же, последовавше душеспасительным
стежам твоим, тако зовем:

Радуйся, вместо избранныя пищи постом
себе питавшая;

радуйся, вместо сладкаго пития слезами
себе напоившая.

Радуйся, на мысленныя враги пост и мо-
литву оружием употребившая;

радуйся, сицевыми твоими подвигами Бо-
жию славу в мире явившая.

Радуйся, жития безплотных возжелавшая;
радуйся, в постничестве древним пустын-
ножителем поревновавшая.

Радуйся, подвигами плоть свою духу по-
корившая;

радуйся, постников благодатное удобре-
ние.

Радуйся, яко тело постом умервила еси;
радуйся, яко душу вденными молитвами
оживила еси.

Радуйся, яко пощения ради и немолчнаго сла-
вословия Богу райских сладостей вкушаеши;

радуйся, яко пресладким Пресвятыя Тро-
ицы лицезрением вину насыщаеши.

Радуйся, всехвальная Варваро, затвори-
це блаженная.

Кондак 8

Стрѣ́нникъ кро́въ ѹзрѣ́въ ра́дѹется и прише́дъ
поко́й приѣ́млет, и ты, блаже́нная, радости
испо́лнилася еси́ в хра́минѣ ма́лой при сельце́
водвори́вшись, отню́ду же Бо́гови вы́ну воз-
носи́ла еси́ пѣснь: Аллилу́на.

Икос 8

Вся телѣ́снѣ в затво́рѣ пребы́вая, ду́хом
Престо́лу Царя́ Славы предста́яла еси́, бла-
женная, и ны́нѣ нас земно́родныхъ моли́твою
твоѣю не оста́вляеши, те́м же вси ѹпова́я
то́ю оте́чества Небеснаго дости́гнути,
тебе́ зове́м:

Раду́йся, проро́ка Божия́ Или́и, в пеще́рѣ
жи́вшаго, благая подража́тельница;

раду́йся, Крестите́ля Христова́ Иоанна,
в пу́стынѣ обита́вшаго, ре́вностная послѣдо-
вательница.

Раду́йся, подви́жническаго отше́льничес-
каго жития́ ѹсердная любите́льница;

раду́йся, из мѣст те́мныхъ свети́вшая лю-
дем равноа́нгельнымъ твоимъ жити́емъ.

Раду́йся в ско́тьемъ хлѣвѹ́, яко́ а́гница ма́-
лая, всели́лася еси́;

радуйся, храмину тёмную и тесную светлым и пространным палатам предпочла еси.

Радуйся, Христа ради труды, глад и мраз в затворе подъяла еси;

радуйся, тамо, яко в храме Тринипостаснаго Бога, душу свою освятила еси.

Радуйся, в затворе многолетно подвизавшаяся;

радуйся, в тесноте главү глубиннаго змия сокрушившая.

Радуйся, богомыслием непрестанным небесная блага созерцавшая;

радуйся, в жилища Небесная вшедшая.

Радуйся, всехвальная Варваро, затворнице блаженная.

Кондак 9

Все естество человеческое удивися, матери Варваро, сиянию в тебе благодати Христовой и многому состраданию к людем, яко твориши преславная чудеса, во еже пети: Аллилуиа.

Икос 9

Витийствовати желая, убогий, како воз-
могу воспети дивная чудеса твоя, блажен-
ная мати, аще не ты сама вразумиши мя,
обаче побуждаем усердием дерзаю венчати
тя сими похвалы:

Радуйся, прозорливице дивная, будущая,
яко настоящая зревшая;

радуйся, яко люди земли Уфимския спаси-
тельным глаголам уст твоих внимают.

Радуйся, прегрешения сокровенная про-
зорливо обличающая;

радуйся, скорбящих и не имущих надеж-
ды утешающая.

Радуйся, немощей наших целительнице
милосердная;

радуйся, в бедах и обстояниях помощнице
скорая.

Радуйся, преисполненная всякия благо-
стыни;

радуйся, удостоенная Ангельскаго собесе-
дования.

Радуйся, в сусе месте источник водный
тещи у Бога испросившая;

радуйся, яко таяжде вода молитвою твоєю чудодѣйствуетъ.

Радуйся, свеще неугасимая, молитвою пламенеющая;

радуйся, в благодати Божней, аки во огни, стоящая.

Радуйся, всехвальная Варваро, затворице блаженная.

Кондак 10

Спасения залог, православную веру, унаследовахом от тебе, блаженная Варваро, темже молим тя: от всяких ересей и расколов соблюди ны и помози нам в Православии непоколебимо пребывать, и верно пети Богу: Аллилуиа.

Икос 10

Стеною твердою буди нам, всехвальная мати, с теплою верою, усердием и любовью к тебе прибегающим, ограждаючи нас противу чувственных и мысленных врагов наших, да не убоимся их, но да побеждаем молитвами твоими ко Христу Богу, зовуще со благодарением сице:

Радуйся, все твое утешение и блаженство в нищете полагавшая;

радуйся, всецело себе Промыслу Божию вручившая.

Радуйся, мира и всех его прелестей доблестная презрительнице;

радуйся, нестяжания теплейшая любительнице.

Радуйся, мягких и светлых одежд на ся никакоже возложившая;

радуйся, рюбища, аки драгоценная украшения, во всем житии твоём выну носившая.

Радуйся, житием твоим Христу последовавшая;

радуйся, одежды и крова лишенным в недрах милосердия Божия покров и убежище открывающая.

Радуйся, умерщвлением тела дьявольскую прелесть низложившая;

радуйся, яко за труды твоя от Христа Бога Царство Небесное восприявшая.

Радуйся, алчущих милостивая кормительнице;

радуйся, в скорбней нищете сущих всещедрая обогатительнице.

Радуйся, всехвальная Барваро, затворице блаженная.

Кондак 11

Пение умиленное приносим ти недостойнии и вопием: ходатайствуй за ны присно пред Богом, от страстей недугующих, и подаждь нам исцеление, и грехов избавление, да и мы в радости воспоем прославляющему ты Господу песнь: Аллилуиа.

Икос 11

Свет незаходимый возсия ти, возненавидевшей страстей тьму, угоднице Божия, веселие же нескончаемое воспроят ты, добрый подвиг со тщанием совершившую. Темже, предстоя ныне Престолу Христову, поминай нас, поющих ти сице:

Радуйся, о кончине своей за две седмицы Богом извещенная;

радуйся, таинственного Собеседника посещения удобенная.

Радуйся, сей беседой обрадованная;

радуйся, яко сия беседа от нас не утаится.

Радуйся, пред самою кончиною огненное искушение претерпевшая;

радуйся, и тогда мира сердечнаго не оставившая.

Радуйся, в затворе земный путь свой прошедшая;

радуйся, яко и ко Господу отошла еси в уединении.

Радуйся, десятию отроковицами на погребение несомая;

радуйся, голубьми до места упокоения сопровождаемая.

Радуйся, яко ластовица легкокрылая вознеслася еси от нас на Небо;

радуйся, яко от мощей твоих исцеления изливаются.

Радуйся, всехвальная Варваро, затворнице блаженная.

Кондак 12

Благодать велию даде тебе Господь болезни врачевати, демоны прогоняти и страсти целити, тем же не забуди и нас, призывающих тя и молитвами твоими от напастей избави, да благодарно вопием к Богу: Аллилуиа.

Икос 12

Поюще твоё житие, похваляем подвиги
твоя: пост, молитвы, слёзы, коленапрекло-
нения, всеощныя вдения, плоти умерщвле-
ние, духа сокрушение, долугегания, смире-
ние, кротость, молчание, терпение, нищету,
нестяжание, и вся та чтим, яже любви ради
Христовы подъяла еси, тако воспевающе:

Радуйся, яко могильный затвор оставила
еси;

радуйся, яко обитель нашу пришествием
твоим благословила еси.

Радуйся, яко в ней ныне святыми моща-
ми твоими почиваеши;

радуйся, яко подвижающимся иноком спа-
сения упование и ходатаице.

Радуйся, страны Уфимския крепкое ог-
раждение;

радуйся, людем ея от искушений диаволь-
ских охранение.

Радуйся, яко тебе ради имя Господне во
всех пределах земли нашея прославляется;

радуйся, яко и твоё имя от всех градов и
всех воспевается.

Радуйся, яко телеса́ наша прикоснове́ни-
ем к раце́ мощей твоих врачу́еши;

радуйся, яко ду́ши наша моли́твами твои́-
ми к райскому́ блаже́нству́ возводи́ши.

Радуйся, всем нам наста́внице и ма́ти;
радуйся, исто́чник благослове́ний и ми́лос-
тей Бо́жих ча́дом твои́м.

Радуйся, всехвальная Варваро, затвори́-
це блаженная.

Кондак 13

О, пречу́дная блаже́нная мати наша Вар-
варо, новая пра́веднице земли́ Уфимския,
прими́ ныне́ ма́лое моле́ние на́ше и принеси́
е ко Христу́, да сохрани́т нас от вся́кия скор-
би и внеза́пныя сме́рти и ве́чнаго му́чения
изба́вит, да с тобою́ воспева́ем к Нему́:

Аллилу́на, Аллилу́на, Аллилу́на.

*Сей кондак глаголи трижды,
по сем Икос 1-й и Кондак 1-й.*

МОЛИТВА

О, святая блаженная мати Варваро! Подвигом добрым подвизалася на земли, восприяла еси на небесех венец правды, егже уготовал Господь всем любящим Его. Тем же предстояще раце честных мощей твоих, радуемся о преславнем скончании земнаго жития твоего и чтем святую память твою. Ты же, предстоя Престолу Божию, прими моления наша и ко Всемилостивому Богу принеси, о еже простити нам всякое прегрешение и помощи нам стати противу козней диавольских, да избавльшеся от скорбей, болезней, бед и напастей и всякаго зла, благочестно и праведно проживем в нынешнем веке и сподобимся предстательством твоим видети благая на земли живых, славяще единого во святых Своих славимаго Бога, Отца и Сына и Святаго Духа, ныне и во веки веков. Аминь.

Тропарь, глас 5-й,

Образ Христова смирения стяжала еси, /
святая блаженная мати наша Варваро, /
молитву к Богу чистейшую и любовь к лю-
дем нелицемерную имела еси, / благодать
Божью за люди ходатайствовать стяжала
еси, / ныне в нетленных мощех почиваеши /
и у Престола Божия предстоиши, / Господа
лицезрети сподобилася еси, / моли о нас ми-
лостиваго Бога / да спасет души наша.

4 Кондак, глас 2

Блаженная Варваро, / премудрая уго-
нице Божия, / разум свой отвергнуши, разум
Христов прияла еси, / в подвизах суровых
совлекшися ветхаго человека, / благодатию
Святаго Духа одеялася еси, / обители рай-
ския наследовала еси, / моли Человеколюбца
Бога, / да помилует и спасет души наша.

Величание

Величаем тя, святая блаженная мати
наша Варваро, и чтим святую память твою,
ть ю молиши о нас Христа Бога нашего.

Читается после прочтения любого акафиста

- Достоинно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова родшую, сущую Богородицу Тя величаем (*поклон*).
- Слава Отцу и Сыну и Святому Духу, и ныне и присно и во веки веков. Аминь
- Господи, помилуй (*трижды*).
- Молитвами святых отец наших, Господи Иисусе Христе, Боже наш, помилуй нас. Аминь.

Конец и Богѹ слава.